



BIBLIOTHECA  
UNIVERSITATIS  
HABSPURGICAE

39053

Mag. St. Dr.


I



39053

I





Historia Societatis Iesu in Polonia.

Tabula 2769

Bataay. Alberti: Narratio epistolica ad  
Rdm. Rev. Patrem P. Joannem Ar-  
gentum S. J. in qua referuntur  
feriae post acceptum de S. J. gna-  
tis et Haveria in Divos cooptatis  
nuntium institutae Leopoldi A.  
D. 1622.

Jaroslaviae ex Joan. Steligam.



Zu der Verlagsabhandlung sind auch erschienen:

**Schinz**, Naturgeschichte und Abbildungen  
ständig in 24 Heften, welche 120 Bo-  
laren enthalten.

# NARRATIO EPISTOLICA

ALBERTI BALAZY

Philosophiae in Leopoldina Societate IESV Collegio  
Auditoris.

Ad Adum R<sup>dm</sup> PATREM,

P. IOANNEM  
ARGENTVM

SOCIETATIS IESV

nuperrimè in POLONIA Praepositum Prouincialem,  
nunc in Austria Visitatorem

In qua referuntur

*Collegii Leopoldini* Ferie *Louise Jesu*

post acceptum de SS. IGNATIO & XAVERIO  
in Diuos cooptatis nuncium

institutæ Leopoli

Nobilissima totius RVSSIAE Polonicae Urbis

Anno Domini 1622.

IAROSLAVIAE apud Ioannem Szeligam.



Adm Rdo in Christo Patri,

P. ICANNI ARGENTO

SOCIETATIS IESV in AVSTRIA VISITATORI.

ALBERTVS BALAZYS. P.



OMO Hungarici sanguinis, Ad  
A. R. P. V. nationis Hungari-  
ca studiosissimum, concinnatam  
super in POLONIA molestæ co-  
gitationis medicinam affero. Infi-  
niti propè pro salute Hungariæ, to-  
to orbe notissimi labores, & quotidiani de ea A.  
R. P. V. sermones promittunt, non ingrati  
A. R. P. V. f. hominis ab Hungaris oriundi  
opellam. Vel si hic titulus parum esset, præstabit  
reliquum in hoc genere Polonica religio, quã sum-  
mo studio nuperrimè etiam administrando Societa-  
tis IESV in hoc regno prouinciam, A. R. P. V.  
procurauit. Cogitatio illa quæ in celeberrimis Leo-  
poli ad primum apothecoseos SS. Ignatij & Xau-  
erij nuncium festis cessantem in hoc officiorum ge-  
nere Hungariam referebat, molestissima mihi fuit.  
A qua ut fastidientem animum aliò auocarem; læ-  
tam auspiciatissimarum illarum feriarum memoriã

A 2

sum

3905.3 I



sumpto in manus calamo, repetebam imprimebā-  
que. Celebritatem igitur hanc Leopoli integro  
octiduo agitatam, cuius recordatio nobis omni-  
bus semper hinc longè iucundissima accidit, ita vt  
leuiter à me adūbrata est A. R. P. V<sup>m</sup>. mitto. Atq;  
vt A. R. P. V<sup>m</sup>. quamplurimis de salute Vngariæ  
curis distentam non morer, hinc iam succinctæ nar-  
rationis meæ initium faciam.

Decimanona Iunij apertum est templum Soci-  
etatis I E S V, totum quantum est aulæis vestitum.  
Ac inferior quidem pars peristromate Phrygio au-  
ro liberaliter interlito ( id nobis vidua Cancellaria  
Stanislai Zolkiewski æternæ memoræ Ducis cōiux  
submiserat ) superior verò cum toto fornice veste se-  
rica tegebatur. Altare in auro ardebat, in quo re-  
centissimam Sanctorum nouorū imaginem peram-  
plis auratis marginibus inclusam aureæ phialæ atq;  
carchesia frequenti serie è torquibus aureis ( quo-  
rum hinc more patrio vsus frequens ) appensa stipa-  
bant. Ex his pastilli odoratorij cubitales auro illusi  
gratissimum balsami toti templo afflabant odorem.  
Dux quoq; minores aræ singillatim, altera S. Igna-  
tio, S. Xaueio altera propositis ipsorum imagini-  
bus instructæ, quæ decentissimè vt erant in habitu  
sacro depictæ, à pijs matronis exquisitissimis cime-  
lijs illustratæ fuerunt. Ita enim suis locis vniones,  
ita gemmæ, ita aurum dispositum erat, vt à peritifi-  
o artifice pictura vix elegantius representari

posse videretur. Templi quoq; frontem ornabant  
aulæa beluata, & in illis ex vna parte affixæ imagi-  
nes apothecosim & miracula Sanctorum referentes;  
quas ita vt à D. Greuter impressæ sunt, atq; ad nos  
ex vrbe missæ, Phrygijs munitas marginibus, maio-  
ris autoritatis causa, vt planè authenticas, exposui-  
mus. Ex altera parte, Theses Logicæ ab Aristote-  
le Sanctis dicatæ, ex meris ipsorum laudibus appo-  
sitè cū difficultatibus sententijsq; Logicis contex-  
tæ. his à lateribus adstabant Aristoteles, Plato, Py-  
thagoras, Socrates &c. quibus hinc Theologia,  
inde Philosophia aditum ad Sanctos literarum pro-  
motores, mollebant. Propylæum templum inter  
& scholas varijs emblematis, ijsq; sat amplis (plera-  
que octonum cubitorum longitudine fuerunt) or-  
nabatur, & spectatores à templi ingressu nouitatis,  
venustatisq; specie morabatur.

Hora Italici horologij decima, Sacrum, quod  
vulgò Maturum dicitur, fecit Reuerendissimus E-  
piscopus Nicopolienfis Archipræsulis Leopoliensis  
Vicarius. Eo finito Illustrissimus Archiepiscopus  
impluuium ornatus ad latus aræ maximæ consedit, as-  
sistente Venerabili Capitulo & Clero Vniuerso: ac-  
cinctis ad ordinem supplicationis religiosi huius  
urbis familijs, S. Dominici, S. Francisci, tam ab Ob-  
seruantia nuncupatis, quam Conuentualibus, ac  
præterea Carmelitanis præci instituti Patribus, ce-  
reos candidos ab ædituo nostro oblatos deferenti-



bus, protulit tandem vnus è Patribus, duobus alijs comitatus labarum S. Ignatij, quinque ampliùs vlnas longum, latum quatuor, in quo depictus erat S. Ignatius stans, cum nomine IESV, & libro Constitutionum; ex altera parte idem Sanctus cum lemmate: ROMÆ VOBIS PROPITIUS ERO. Alterum etiam S. Xauerij, quod priori par fuit, (vtrumq; in veste Damascena candida auro illustrata fimbrijs floccisq; auro distinctis circumductum) totidem erexerunt. In hoc ex vna parte stabat S. Xauerius librum Euangelij gestans pro Christo legatione functus: ex altera idem varios aqua lustrali tingebat Indos. In extremis singulorū labororū marginibus infra, expressa fuerunt vtrinque sena miracula, non ineleganter à celeberrimo huius vrbis piktore Italo. Hæc itaque triumphalia parafema benedixit Archiepiscopus; quæ simul ac in publicum prolata sunt, pluribus augusta sua specie lachrymas gratulatorias elicerunt.

Procedente supplicatione processerūt & Patres nostri linteati, immisti clero inter Capellanos & Canonicos medijs. Crucem Collegij argenteam antebant Musici cum organo portatili. Sequebantur vexilla, tum nonnulli religiosarum familiarum officiales sacro apparatu conspicui. Ex quibus par Franciscanorum vnum ex Patribus S. Xauerij statuam (ex solido argento pro hac celebritate fusam) deferentem iuuit; R. verò P. Rectorem, duo Patres

Dominicani in portanda S. Ignatij statua item noua subleuabāt. Alterum eorundem Patrum par pretiosissimis impluijs collucens, lateri R. P. Rectoris adhærebat. Aliorum religiosorum paria æque illustri apparatu splendida, ante ipsa labara locum sibi delegerunt. Ponè subibat R<sup>mus</sup> Episcopus Nicolienſis, tum Illust<sup>mus</sup> Archiepiscopus. Incesserunt hoc ordine per tres fori quadrati regiones, quæ iussu magistratus, (qui toti huius pompæ, ac reliquæ hebdomadæ ludis exornandæ negotium collegæ suo D. Martino Nouicampiano Philosophiæ & medicinæ Doctori singularis omnino iudicij animiquè viro commiserat) peripetasmatis, tapetibus, imaginibus, altaribus, encarpis eleganter sumptuosèquè conuestitas, symphoniacis passim per ædes personantibus, studiosis nostris vndique rithmicè acclamantibus, tormentis bellicis adeò per forum, (non modò ex vallo & turribus, in quibus octoginta machinæ eum in vsum erant dispositæ) reboantibus, vt nonnulli nobiscum incedentes præ fragore in terram prosternerentur; tympanis, choraulis, tubis, in summa prætorij turri, quæ toti vrbi dominatur, identidem percrepantibus. Comitabantur, nos à latere quidem armati sub signis pedites quingenti, propius verò lecti scholarum nostrarum iuuenes centū triginta cum funalibus Panicis; retrò sequebatur magistratus, vicina nobilitas frequens, ac reliqua ciuitas effusissimè quantū antea nunquā



(ut visum est viris etiam rerum externarum peritissimis) cum modestia omnino commemorabili tamq; singulari deuotionis sensu, ut eum hucusque præstantes iudicio viri admirari non desinant. Ita gloriam sanctorum circumferentes, ad ingressum templi Cathedralis habuimus arcum triumphalem opera ciuitatis erectum, picturis conspicuum, acclamationibus insignem. In ipsa æde constitutis nonnihil labaris, Archiepiscopali sacrificio interfuimus, tum etiam grauiatque eruditæ Polonicæ Episcopi Nicopolienſis orationi. Inde, Archipræsule hymnum *TE DE VM* præcinente, & cum symphonicis vniuersa supplicatione prosequente, per quartam fori regionem eodem ordine ad ædem Societatis *IESV* per arcum propè illam sumptibus Collegij exstructum, per medias adolescentû acclamationes, per frequentes symphonicos hinc inde dispositos, perquæ tormentorum bombos redijmus. Hic Archiepiscopus sacram Hostiam, quam ipsemet circumtulera, postremis hymni verbis *SALVVM FAC* &c. cõpellans, beneq; populo precatus, supplicationem dimisit. Defixis tandem vexillis *R. P. Rector Archipræsulem, Optimates nobilitatis, ac magistratum ciuitatis, ad religiosum epulum inuitauit; impensas largientibus amicis tû ciuibus, tum nobilibus, quorum aliqui ceruos aliasq; feras à quindecim leucis ad nos miserunt. Magistratus verò ingentes aliquot exquisitissimi vini (quod incredibili penè precio*

hac

hac tempestate in his partibus venit) amphoras in medijs epulis submisit. Dicebat ad mensam Latine *M. Humanitatis de illo S. Ignatii acroamate AD MAIOREM DEI GLORIAM. A prandio distributæ in Collegio trecentæ, à magistratu verò in prætorio quingentæ panis inter egenos libræ; ut bonæ illorum preces symphonicorum melodiam cœlo condirent. Secutæ sunt preces Vesperinæ æque Musicorum concertatione ad inclinatam ferè diem productæ. Verùm earum non expectato fine, comparuerunt in foro quadraginta equites splendidiſſimi quæ Catholici, quæ Armeni, quæ Rutheni. qui accepto tympanis tubisq; signo cum festis vndique acclamationibus hastis grandioribus certabāt, concitato in cursu equo bombardis ad scopum iaculabantur; pileos tam humi proiectos, quàm puerorum manibus porrectos, hastilibus in sublime tollebant, in summo equorum impetu sagittis pileos configebant. Vnus tandem præmium a magistratu tulit galeam & thoracem perpolitum.*

Hora 24. satellites viginti quatuor amictu concolores, Arium Hæreticum artificiose comparatum è carcere eduxerunt, bouiq; impositum cum accensis tædis, per quatuor fori angulos denunciatum, cum ingenti populi vociferatione, ad prætorij turrim deportarunt. ibi tandem in sella sursum fumibus tractus incensis intestinis ardere non sine arte cæpit: atque ad extremum incrate è media turri prominente luci.



diffimis ignibus crematus est. Ita ad secundam noctis horam tubis ac tympanis perstreptibus populus ignium artificiosorum spectaculis tenebatur. Nam & per editissimam turris coronidem, ac ipsius tholus & per arcum Collegij, tum in fenestris vicinorum nostrorum lichni pensiles multicolores, ad morem Romanum, nullo antehac exemplo ardebant, & in foro pyroboli inusitata quædam artificia edebant. Cæterum hæreticorum incendijs Ciuitas, quæ nullam excogitatarum hoc sæculo hæresum admisit, neq; ulli eiusmodi labe infecto ius ciuitatis, quantumuis potentissimo. virorum oppugnata machinis cecelsit, testata est se S. Ignatio nouo suo patrono, hæresum exterminatori, & S. Francisco Xauerio fidei propagatori, hæresiarcharum exitio litare.

Die Lunæ horis matutinis dato ex prætorio tympanis tubisq; signo duxerunt supplicationem à templo Cathedrali ad Collegium sex tribus præcedente Cruce, ad cuius latera portabantur effigies SS. Ignatij & Francisci, adolescentibus linteatis funalia candida præferentibus, Musicis ita Litanias concinentibus, ut suis locis novos Sanctorum indigentes infererent. qua supplicatione nondum finita, S. Francisci de Obseruantia Religiosi, apud nos Bernardini dicti, supplicantium ritu ad ædem Societatis IESV venerunt, & Sacrum solemne cantarunt, ac Ordinarius eorum celebrisq; concionator R. P. Augustinus Gnatowski prolixè de Sanctorum & instituti

Societatis IESV laudibus disseruit. Hora decima-quinta tympanorum tubarumq; clangore pauperes ad prætorium conuocati sunt, & quingentæ panis librae inter illos dispersitæ. quod ipsum toto octiduo sub idem tempus magistratus pie liberaliterq; præstitit. A prandio Eloquentia novos honores vincit solutaq; dictione S. Patri apparauit. Produxit in scenam emblematico artificio adumbratas virtutes dictionis, quæ ad tria genera causarum Rhetoricarum symbola heroica animi excelsi in parente Ignatio de prædicarunt, eiq; monumentum ex literis hieroglyphicis posuerunt.

Ante Vesperum Valentinus Stancelius tribunus adduxit in forum tria peditum armatorum vexilla. Hæc præcedebant duo boues cornua inaurati, & sex viri candidis amicti ingentes gladios euaginato manibus præferentes. Sequebantur duodecim equites item candidi, equis dosuarijs insidentes. Tribunus circumductis ordinatisq; militariter cohortibus, signum eripiendorum sibi mutuò vexillorum dedit, quod congressus satis diu dubium, armatis acriter vtrinque concurrentibus, tenuit spectatorem. Deinde anserem viuum vnum atq; alterum è fune suspendi iussit, cui equites illi rustici certatim in cursu abrupterent collum. Tulit palmam vegetus quidam senex & præmij loco nitidum acinacem. Expositis verbis vnum decapitare aggressus Bassista Curialis præmium quindecim florenorum habuit destinatum.



tum. Hora 24. à porta Cracouiensi Nestorius è carcere eductus, sex armatis stipatus insidens, equè facie ad caudà versà, in quatuor fori regionibus proclamatus, in crate turris prætorij artificiosè exultus est. Reliqua etiam huius diei spectaculorum materia vaggi præcipuè pyroboli fuerunt.

Die Martis sex aliæ tribus supplicationè hesternæ per similem ad templū nostrum adornarunt. Et quia dies erat B. Aloijſio Gonzagæ sacer, ipsimet Societatis Patres Missæ & Concionis celebritatem obierunt. Exonerata etiam sunt in medio Sacrificio ex vicino vallo tormenta, quæ significarent talem filium suæ virtutis luce in partem triumphi talis Patris venire, ad quem consequendum tantis sanctimoniarum passibus contēderit. A prandio exhibuit nobis scena propè arcum Collegij Ecclesiam triumphatarum hæresum, & conuersarum gentium nuncio exultantem, Indorum Neophitorum oratores excipientem, Societati Iesv multis gratijs fauentem, cælestes honores SS. Ignatio & Xauiro decernentem, spectante Ill<sup>mo</sup> Archiepiscopo, frequenti nobilitate, & omnibus ciuitatis ordinibus. Hora 22. Melchior Pascouitius tribunus ciuitatis, quinque peditum signa ad prætorium adduxit, & militanter exercuit; deinde iuuenes duodecim variarum gentium habitibus ornatos produxit, ad superandam saltu fossam decem cubitos latam. His multi alij sese adiunxerunt; & post longum certamen duo ex omnibus expectatum præ-

stiterunt saltum, tuleruntque præmij loco, primus bardam longiorem gestatoriam, alter harpen elegantem.

Hora 24. adductus est in forum draco flammivomus, qui sensim diuersissimis pyrobolis magna omnium voluptate dissipatus est. Successit mox rupe mobilis, cui insidebat Orpheus testudinem pullans, intus vero vocalium æque ac symphoniae concertu resonabat. hæc etiam tandem succensit Æthnæ instar arsit, & plurimis quæ lucidissimis, quæ horrificis, quæ vagis pyrobolis dissihij. Denique productus est cum funeralibus Iulianus apostata splendide planè ornatus, corona, sceptroque insignis, hinc eū duobus Rabinis, inde duobus Derbissis Turcicis ad suam perfidiam pertrahentibus. hinc quoque postquam in quatuor fori partibus proclamatus est, in sublime tractus, in crate è turri prominente igni factitio absumptus est. pyroboli verò ingeniosissimi integrum ferme peruolitantes forū maiorem noctis partem, magna spectantium voluptate, sibi vendicarunt: nunc enim cælum versus adeò vehementer ferebantur, ut eos vix oculorum acie consequi possemus: nunc supernè redeuntes in flammarum lucidissimos dispergebantur globos, ut stellas non æmulari tantum, sed etiam superare luce viderentur; nunc in orbem diuagitati, bombis numerum hniebant, nunc funibus alligati ex vna ad alteram fori regionem ferebantur; nunc humi serpendo quaquaversum spectantium turris peruagabantur; nunc denique aquis immerſe eam;



inundantiam innata contentione eluctati, in alium demigrabant campum.

Die Mercurij ad tubarum tympanorumq; signū ēpratorio datum, venit ad ædem Collegij sex tribuum funalibus Punicis instructarum supplicatio, quam paullo ante præcesserunt Patres antiquæ religionis Carmelitæ, qui & Missam sollemniter celebrarunt, & per suum Concionatorem P. Samuelem Sikorski SS. Theologiæ Lectorem de SS<sup>rum</sup> & Societatis IESV laudibus perquam, eruditè liberalissimeq; pronunci- arunt. A prandio opera Poëtæ nostri comparuit in foro Parnassus mobilis bene magnus, quindecim vlnas longus, paullo altior. In eo Fama gloriam San-ctorum è vertice promulgavit; ita excitus Amphi- on, suo ipse quoq; sumpto pleâro congratulando celebritati, soni suauitate motum indidit monti, sed ad eum motum repente fragore tormentorum coor- to, mons bifariâ dissiliit, ac simul aperta Apollini Mu- sisq; caueria, chorus Musarum in laudes Sanctorum effusus est. Aperuit & Pegasus vngula Aganippidos fontem; & montem non nihil subsistentem, Dryades appensis ad subtilissima licia hamis, in montemque coniectis, visæ sunt nonnihil tam ingentem machinâ commouere; & similia id genus excogitata. Hora 22. tribunus Ioannes Sulcius quatuor peditum vexilla in foro explicauit. Præcedebat Æthiops insidens Rhinoceroti inter duos cataphractos: ponè ducebant currum duo aurigæ festiuè amicti. In altera currus

parte expositus fuit porcus integer, in altera bos in- teger excoctatus; in medio lanij carnes minutim seca- bant, & butulos farciebant. Prope tribunum incede- bat armiger, qui nudum ensē sursum iactatum ma- gna dexteritate excipiebat. Dispositis ordinibus da- tum est spatium cataphractis, qui se mutuo vectibus prælongis ex equis desultorijs proturbarent. fuitque qui semel deiectus ter eundem aduersarium detrulit. huic bos præmium fuit. His successerunt sex luctato- res, thoraculis & semicinctijs induti, quibus multi al- li adiuncti diu luctam extraxerunt. præcipuo tandē cessit porcus. Post solis occasum Rhinocerotis cor- nu accensum lucidissima flamma satis diu artificiosis- sima materia nutrita spectatores delectauit: quæ len- tē ad pyrobolos delata machinam ingentibus bom- bis distulauit. Non dissimilis fuit exitus Æthiopis. Prima noctis hora Martinus Lutherus, ex carcere e- ductus lepidè vestitus, viuo porco insidens, à quatu- or palangarijs ferebatur collucentibus funalibus, sti- patus duodecim Heluetijs habitu rubeo amictis, in quatuor partibus fori acculatus damnatusq; , demum sellæ impositus, & rudentibus in turrim tractus miro artificio incensus sublimē pendens arsit. Nam fax ac- censa quæ illi sub axillam infixa fuit, ob artificiū ma- teriæ tam diu. itidissima flamma luxit, vt finem non habitura videretur, nec vestem afficere posse existima- retur. Verū ad extremum concepta flamma, os illi pectusq; , illa horrendarum blalphemiarum conce-  
ptacula



pracula, pyroboli primum conuulserunt, deinde totus abiit in fauillas.

Die Iouis ante meridiem sex tribus cum Musica curiali supplicabundæ ad ædem Collegij venerunt. Præuenerat supplicatio Patrum familiæ Dominicanæ, quorū præses Ad<sup>um</sup> R. P. Cælestinus. Diszpot Leopoliensis inter solemne sacrificium suo ritu peractum, sanè quam doctè & grauter laudes S. Ignacij exaggerauit, quemadmodum & postridie idem præstuit S. Xauiro. Hora 25. quatuor peditum signa duxit splendide Alexander Vbalдинus. Præcedebat cohortes currus tribus boum iugis, cornu inauratis tractus; in curru duo ingentia dolia non ineleganter picta; alterum aqua multa, alterum cereuisia plenum. Primo Bacchus (qui è ciuitate, nouis in eam Sanctis adscriptis, proscribebatur) insidens, vltimum Vale precando, decumano cyatho omnibus propinabat, maximè verò viris militibus, qui se ad arcis oppugnationem accingebant. Alteri insidebat pithaules. His ab vno latere ibant comites fidicines, ab altero ambubaia. Sequebatur currus cum grandi dolio pertuso, de cuius possessione duo personati artificiosè certabant; ita vt incessanter in cursu quā vnus pedem extulit ex dolio, illac alter caput infereret; & altero intro repenti, alter supernè foris immineret; alter deniq; equo insidens, ex eodem alterius metu supra dolum ascendens, in idem dolum tanquam in prælidium se reciperet. Ven-

tum tandem est ad arcis simulachrum, lignicis propugnaculis appositè depictis instructum quod ante prætorium supra publicum fontem Alexander Vbalдинus erexerat. In hanc arcem fingebatur se abdidisse Silca, Hæreticorum in Bohemia olim Eucharistiā sub vtraq; specie ambientium patronus. ad eum igitur expugnandum quatuor assultus fecit Vbalдинus, tanto hinc igniuomarum bombardarum fragore, inde tanto pyrobolorum horrore, tympanorum tubarumq; clangore, vt res à iusta oppugnatione non multum abesse videretur. magna enim ignium vis non exiguis Vbalдини impensis vtrinque procurata fuit; quod & qui bombardis iaculabantur, materiam supra consuetudinè flammantem exonerare viderentur. & qui arcem defendebant, ingentem varij generis pyrobolorum copiam, manibus, tormentisq; bellicis iactabant. Et quia bifariam diuisus exercitus munitionem aggrediebatur, in duas etiā fori regiones, per extensos funes immissi pyroboli flammæ iaculabantur. cum verò maximè oppugnatio premeretur præter creberrimos ignes manusparfos, alij è machinis æneis ingenti fragore sursum ferebantur, & demum in aëre ex globo artificiosè compacto erumpentes deorsum stellarum instar cadebant. Miraculi loco fuit, quòd in tanta ignium copia nemo vulnus, damnum nemo tulerit, maximè verò is circū quem eodem momēto quadringenti circiter pyroboli accensi fuerunt. Post longum in noctem certamen expugnatus est denique Silca, & à peditatu Hungar



co ad prætorium raptus. Verùm antequam in sublimē tolleretur, totus propemodum à vulgo discerptus est. Pyrobolorum spectaculo, & aliquorum ludicro habitu indutorum festiuitates populum ad terciā noctis horam occuparunt.

Vigesima quarta Iunij, quia dies S. Iohanni sacer incidit, totus intimæ religioni datus est. Quia verò Leopoli ex antiqua consuetudine solent ad contestandā mutuò beneuolentiam familiariter conuiuari, misit ad Collegium magistratus Censorem Urbis, vulgo Syndicum appellatū, qui peteret, vt pro recepta amicorum consuetudine, possent vnā cum Patribus familiariter in triclenio eodem vesci, atque hoc argumento intimam suam erga nos animorum propensionem comprobare. Egit gratias prolixè R. P. Rector, remq; vniuerso Collegio, non debere, non esse gratissimam, luculenter ostendit. Affluit mox exquitarum epularum copia magistratu procurante submissa. Cæterum Magistratus propositi sui tenax nullo modo adduci potuit vt mensis accuberet, donec Patres, qui se ad ministrandum accinxerant simul cum illis considerent. & cū subselliorum locum nondum expletum viderunt, institerunt vt reliqui Patres aduocarentur. Excusabat studiosè (vt mihi relatum est) R. P. Rector, causabatur Confessiones, quibus excipiendis adhuc in templo detinebantur. Respondit constantissimè Magistratus se expectaturos, tam diu donec labore illo perfuncti essent; Expectatum est aliquam diu

liquamdiu: denique cū effugio locus præclusus esset, adfuerunt Patres reliqui, mensis accubuerunt, & quidem alternatim, vt singuli Patres, singulis assiderent Senatoribus, qua in re nisi R. P. Rector Senatui obsecundasset, epulis abstinere decreuerant. toto illo mensæ tempore eximiam suæ erga nos voluntatis significationem plurimis argumentis contestati sunt, mirificeq; hoc inuento, Patres sibi obstrinxerunt. A prandio destinata fuit actio Musica à Philosophis concinnata, in qua sensus internos, & externos, obitu S. Ignatii lugentes intelligentiæ cœlorum motrices consolarentur, & septem Planetæ, supra ingentes orbis artificiosè ad motum compositos vecti, triumphos sanctis gratularentur, atque ad consimilem gratulationem. quatuor orbis elementa suo motu prouocarent. Sed quia temporis breuitas tantam molem educere non permisit; dilata res est, ad ipsū S. Ignatii proximū Kalendis Augusti diē. quo quidem tempore exhibitā viderūt Leopolienses nostri, quorū plerōq; dicere solitos audiui, nihil eiusmodi in hoc genere Leopoli hactenā visū esse. Equidem illa orbium cum adolescentibus Planetarum ritu suis vehiculis insidentibus, ad perfectam figuram sphericam circumuolutio, omnibus admirationi fuit, plurimis horrorem adeò incussit, vt oculos aut auerterent, aut clauderent; cū intuerentur adolescentes cum orbibus (quorum aliqui diametrum habebant quindecim cubitos longam) deorsum pronissimos ferri. deditq; ea res disceptatio-



ni materiam, an redeuntibus ad circulum orbibus denuo vehiculis imponerentur adolescentes, an aliquo artificio affixi orbibus (vti verè fuit) circumferrentur. Incomparabilem haud dubiè plusum res habitura fuisset, si artificem magis peritum & obsequentem nancisci potuiffemus. Habuit enim actio multum nouitatis præter materiæ subtilitatem, & versus elegantiam, ex modis Muscis, ad quos pronunciata fuit, veterum Græcorum, & recentium Italicorum more; ex habitu, & symbolis sensuum satis accommodatè ad propositum depictis; ex Planetarum acuminibus, quorum vnusquisq; suas influentias commemorando, S. Ignatii virtutes exaggerauit, quòd influentiarum vltimè ad maiorem Dei gloriam, hominumq; salutem non minus ingeniosè quàm feliciter conuerterit; ex elementorum deniq; functionibus. Quippe suos etiam (postquàm non pauca de nomine & igneis Ignatii moribus modulatè lusisset) eosq; nouos Igniseuomuit pyrobolos. Aer incolas aereos, aues ad gratulationem euocauit. pronunciauit, tubas inflauit, sonuit tympana psitacus; saccharo ad extremum dulci grandinauit. | Aqua cum Terra montes & syluas ad saltum exciuit; eruperunt ex his fontes, Satyri concinnos ad numerum dedebant saltus, & Satyricè quid à Patribus syluestres homines excolèntibus didicerint, quos mores Indos inter, ab illis propagatos viderint, quosq; hinc inuenerunt, populo auidè audiente, epilogati sunt.

Vige-

Vigesima quinta Iunij Patres Franciscani Conuentuales dicti concionem & officia diuina eximio Musicorum conuentu, cui hac tempestate non paucissimè reperias parem, obierunt. A prandio disputatiunculæ de Sanctorum laudibus. Interfuerunt. Canonici Ecclesiæ Cathedralis, & omnium huius vrbs sacrarum familiarum Doctores. Disputauit primo loco Canonicus, omni literatura in Hispania, Italia, Gallia exercitatus Adm R. D. Simon Wędzicki; Secundo ex Dominicana familia Theologiæ Doctor.

Vigesima sexta Iunij quæ fuit sollemnitatis octaua, Ill<sup>mus</sup> Archiepiscopus sacrificium magno omnium ordinum concursu perpetravit; pro Concione Adm R. P. Andreas Gizicius Franciscanorum Conuentualium Commissarius, magna virtutis & doctrinæ opinione vir, dixit eleganter, copiosè, solidè de Sanctorum & Societatis IESV excellentia, non sine rubore Patrum, quorum institutum & virtutem multis præclaris argumentis supra ceteros ordines extulit. Disposita etiam sunt ad sacræ hostiæ eleuationem tormenta. Præfatus est in Collegio Ill<sup>mus</sup> Archiepiscopus, & adolescentes Rhetores pro cumulatisimo Sanctorum cultu gratias agentes audiuit. Vespertinum officium sollemniter cantatum; eo finito, in summa turris prætorij coronide, Hymnum Te DEVM laudamus, trifariam diuisi Musici, vocales, symphoniaci, tubicines cum tympano tubis quauersum personabant. Ad primas tenebras



ex arce superiori ( ita enim vocatur munitio in editissimo colle vrbi planè incubante sita ) variæ pyrobolorum machinæ per vnā amplius horam iactatæ; in summo turris prætorij tholo, in arcu Collegij, per fenestras præcipuorum in foro ciuium, lichni multicolores accensi. Incensum deniq; est in foro artificiosum castellum ter, atq; vltimò tantam ignium mirabiliter volantium emisit vim, vt tota illa vicinia igne occupata esse videretur, & homines licet iam antea tota hebdomada ad ignium spectacula assuefacti, tunc tamen stupore defixi hærent.

Ita Leopoli vrbs in his partibus æquè ordinata ac magnifica, nouos Patronos recepit, ita finem triumphis imposuit, aut potius non vulgare triumphorum in cælo perenniter durantium, quibus sine fatietate cœlites perfruuntur studium in mortalibus excitauit. Reliqua A. R. P. V. coniiciat ex eo, quòd huius festi apparatus, vt ab ijs qui eius procurandi negotiū habuerunt didici, minimū quatuor florenotum millibus, piorum liberalitate collatis, Patribus constiterit. quæ summa apud nos, hac præsertim bellorum tempestate, non est contemnenda, vt mittam Martyrum Societatis I E S V imagines: quæ licet ad hanc celebritatem expediri non potuerint; prodierunt tamen ad solatium populi die S. Ignatij sacro. Deo immortalī in Sanctis suis glorioso gratiæ, qui mortalium erga seruos suos studia tibi cordi esse, non dubijs argumentis ostendit.

Nemo enim est qui non fuerit admiratus integerrimis aliquot hebdomadis ferè continuis, atq; adeò pridie sollemnitatis, continuas pluuias; imò ante ipsam supplicationis horam nubes grauidas ciuitati impendentes disparuisse, & iterum peracta celebritate, quasi redintegrato iure, reuertisse. Stupebant alij in tanta ludorum militarium frequentia, ( planè enim tota hebdomada officinæ feriari videbantur ) in magna ignium bombardarumq; copia neminem vulnere, aut alio damno affectum fuisse. Singularis etiam fuit cōtinuis octo diebus Sacramenta & sacrificia frequentantium multitudo, quæ vna maximè sincero nos impleuit gaudio; cuius partem A. R. P. V. transmittere conatus sum, illa potissimū spe animatus, quòd imperterritō A. R. P. V. studio similem Numinis, Diuorumq; cultum in Hungariam reducendum coniecter; cum qua me Sanctis A. R. P. V. precibus, & pristinæ beneuolentiæ studiosissimè commendo. Leopoli.  
Pridie Nonas Augusti. 1622.

A. R. P. V.


Addictissimus,

Albertus Balazy.



274675 24510148







Biblioteka Jagiellońska



stdr0008419



